

術之士越萬學紀綱法一十四年道成心便
存使不用步常行捨訣之道入水如地上行
散為禹步九跡九遍主九江又變一十二步
主四海以六已土縛脚心上便得入水入水
時捨六戊訣勅水神任意捉使總得六能使
人入山草不迷毒蛇猛獸自伏并入火禁火
皆不有傷損驗用依前法七能令人得入中
仙長生不死之道可以本命日常存思南斗
延壽六星君及司命司錄君掌籍掌算君降
下如圖圖在金鎖流珠中篇內有用詔即躡

紀飛網紀地紀網天網也散步配衣捨訣誦
十九首呪訖又捨司命君訣訣在流珠下篇
卷中也即誦呪呪十九首畢即止如此行之
四年便任地仙八能令人得大仙大仙者天
地中仙人也一云天仙地仙山中居止也九
能令人久久行之得上真仙人之位一云真
人上清太極大仙官之號為真人也昔上天
真大聖廣成子等數百真人皆是躡紀飛網
衣斗思斗衣斗者北斗也思斗者南斗也北
斗九星二星不見世人見者七星也今以呼

為七星君不知有九星九籍二君也南斗八
星不見二星世人見者六星今呼為南斗六
星君不知有八星八卦二君也一延壽君二
司命君餘即掌籍掌算君上生落死君是世
有人知此道長生不死立得仙人也不離心
神久而修行總成天仙

金鎖流珠引卷之二十八

正一天師清微弟子百堅製作
道教學術資訊網

金鎖流珠引卷之二十九

辭九

華嚴經卷之二十九
中 王 仙人 李 淨 風 注

考召法師存思木官起屋救病法
老君告救苦真人鄭仁安曰子為真人行者
莫過救於重病之人也救一人病天地記為
一功也夫人身者名為舍宅如屋相似故為
欲救之理以呼存木官木官者五行之中有
木官也假如甲子生人金命呼戊辰木官為
上不得呼壬午木官起屋却官病人也來降
與病人起屋正屋其思如圖伐樹正屋修
換梁柱如此三日萬病退差又曰夫人病重
子為師欲救治但存思與他人正屋倒樹即
有應驗病退也經云屋正身正屋邪身邪屋
倒身倒又一云夫人身病屋左右足多樹其
魂神飛散出身寄附其樹之上往往有人見
有光明者是衰病人魂神也子為醫救之人
先存木官斫倒宅左右樹存取此樹為木與
病造屋於生炁地上是病人六甲行年生炁
之地是又亦避年上存生炁地起屋又修見

住舊病屋三等屋若病正其病三魂守定但有一屋不正一魂不定若為醫師先明此法則有驗也病人即退其神却入身一夜夢上仙入谷半苦即是神入身也覺白汗流是大退差之徵也老君曰授此法有二等一救

人之病二者臣及君子逆父子不從師命者便與其病亦使木官云云用如前法相

老君曰夫為此法先躡地紀三遍散為禹步初九跡又却反又却迴迴再登是也開為十二跡又及開為十五跡訖左右配衣圓中

有左配衣法及有斗名右配衣法蓋亦者四斗謂左右配衣流珠上卷第一步綱圖皆一

左一右是也但檢用之即得也即存思木官起屋起治生倒屋倒治死二等任意為之訣

在左手第四指中節捻之或以五色線縛之

大在初太上老君先天地生勅攝枯木花葉

再生能治人病速即差平召攝魂魄令歸身形正屋正身早起立成急急如律令後聖君

日本官存下與病人起屋者有數亦有等級上為國王帝主治病起屋正屋四十萬人一

方十萬人是也中有宰輔大臣四千人一方一千人是一下即五品至於萬民四百人一方一百人也共為正屋起屋伐木匠木樁土開草單者俗寸級也又為樹柱上梁架屋獲特存之立成屋成人差告命曰木官急

急造屋屋成人福福人生成魂魄歸形疾病自差受福長生急急如律令捻還魂入神正

魄訣訣在左手大指中節五色線縛之二七日老君告羅真人曰羅文運服時大夫若能

藥咒之術常與人物救災活病功滿三千日日上昇此法數般用之一能治病二能辟惡

三能治患者四能消口舌五能禁六能移七能欺此七數吉凶皆能為之也餘在師口中

以口相傳秘而勿泄

考召法師存思說身巡遊病家圖法

老君告文強真人曰夫道士與人為師步禁疾病實不為易切須清身淨心一禁一呪皆

是救百病功之為大此一法治病法師先思存巡遊病人家入病人門內直入戶房內見病人牀上卧師即呼召存一陣野馬散吏兵

把捧驅之踏殺作祟鬼賊驚叫奔走而散又存野猪大象師子來一一而並入房喫食作妖精野鬼奔走又存蛇蜈蚣等毒物捉捕作祟鬼賊精邪之物趁捉亡散而書決某鬼說各有山鬼或精鬼或傷鬼魁邪精猴鼠魁

魁精鬼也訣在流珠掌訣中法訣曰師先躡地紀三遍散為禹步三步九跡三遍配衣配

衣訖左手把魁星指之七遍即存身著紫衣遠遊冠侍從將軍吏兵如法巡往某病人家

某若某州縣鄉里某官人某百姓言百姓某已染其病云云領吏兵以繩驅馬奔踏祟鬼

流珠圖上不畫師子唯畫猪馬吏兵亦少按師云存師即得不必畫之口訣云地蜈蚣

再為之猛禁之類食鬼治病用之立差也及師子等獸奔突入宅中左右內外捉鬼崇食

之其病即差無有不差者也天師曰吾授後聖口訣此法有三等用一救人病二能令惡

人自病去不來害我三即破鬼神居止之處立即見消也昔有扁鵲常行此法以救治病

者皆差往往如此十四年一旦太上大道君

遣使下授以起死人之法忽能破腹治腸分別五藏魏太子周順侯燕王次妃皆得從死因破腹治腸而再活皆得二十年三十年十年者又死鶴後七十九年在世往往與人治死而再生莫知其數後一日有風吏雷師前來迎以御前青龍白虎扶左右迎官數千騎引於南山而去不知起死法付授何人今世不見有行者又趙山山是漢武帝時為西河令妻孟氏號常真少而學父思此術得成也妻孟氏常性好道小年八九歲時讀書識文字見父有此書常觀讀之熟後忽有人告疾者切以思心存身與往救之往往如此亦有得差者多後人知求者甚眾夫後知不許妻但聞人說有疾但以心念如此四十五年一旦太上後聖李君遣使授以六甲符文與孟氏書服之一十四年後忽去肉身迥飛上山不知所在

考召法師存思說青龍白虎朱雀玄武鎮疾圖法

老君授赤帝赤帝即仁安於西園受也驅使

神靈告命符文曰世有四鎮大神能守鎮於人制御鬼崇衛人無天傷可學道之人著功行如此之者功滿上昇左有青龍之神本上天木星之神也好人長生性長護生生是人物生命也此神長好人物生成之悉制御死死是人物死者此神惡見之太上故符命令變於世生人制死鬼故存鎮生人之宅偏去非橫口舌兇鬼咀人蠱毒靡廊此二字是非尸之字是也蛇蝎之物亦能辟伏不敢來為崇害也作此法常以每日夜以日暮夜日一度思之夜一度思之如此不逾存之三日應驗並差皆以先步存步者是步綱也存者是心存為綱步綱之法後聖君告尸真人言夫綱紀為步以七年有功不必自身親步也即心存之如綱圍存身履紀綱過即得效如未有功效即須步綱綱紀之法地紀三遍禹步三步允跡配衣左右訖即存四等鎮守其病人及鎮護主人宅如此不逾一七日重病者退差不善重加此是老君言也言病者是志良之人病與救之不善之人背逆之流

用此法存念命即自生背道逆天之心病乃天與之今世人不知但怨怨鬼鬼實不能自為此害皆因假天地官之威即乘威而作崇也夫任仙官之位皆有威役使天神地祇九土萬國社神廟神官也此二等一等救治古入一等徵伐惡逆之徒也皆以天之救徵也以子身受天之法帶天之文身是天官便行天今可執直其心取仁無親無偏黨之性無傍偷之欲清高志遠志人之能久遠生生不退知進之人可授此法掌行天法悔救之訣非人不可妄傳罪及七代殃沒一身天師受後聖君訣在左手第四指第一節用五色絲線縛之莫令解之五日及夜鬼目盲人目青十日自消矣後聖君曰夫為道術之人須以真心無妄無欺無貪無嗔無癡如此之人乃可行持之法如心未真不直癡嗔貪妄不可行法勿効惡人須自身清直保得乃可為之今但行救人治病之道天地與子著功得仙道日近昔有道士黃盧子是著超也常好行悉禁之術存四神及地神地軸神攝御江山

如迴手掌迴山迴山者一里之地開為千里
江山千里江山橫屬一里之地不難也縮地
轉海法亦先經躡地紀六年長時存四神及
地神地軸等常帶地神地軸等錄即躡紀三
遍散為禹步三遍又步絕地脉步三遍既天
左右交擊網三遍捨地心目大呼三聲即唱
攝即地鎮四神及地神地軸神移山河江海
變動闊狹遠近立成即不難亦加天地式相
應少時出沒自由驗極之法此法有五等用
之具口傳授

金鎖流珠引卷之二十九

真誥敘

安一

誥者告也書有湯誥洛誥諸篇孔安國云誥
以大義告乎天下者是也經有緯緯者相經
緯也其事皆足以輔翼乎經故言緯也真誥
之作其緯於經者乎其目自運象至于翼真
檢者凡七蓋有象乎緯能通乎緯必知誥矣
陶君之意亦謂卦六十四道之玄也道德五
千言玄之道也其餘贖玄之奧鉤玄之微能
與易老實者各形乎言各見乎事雖然事與
言非玄矣其書所載往往出乎緯之所以輔
經者乎少耽黃老說搜索道家者流幾千家
殫精日月無能深鑿其鍵管接江西道士吳
靜杜言玄事靜曰誤矣余嘗拜曰願學道靜
曰讀易乎讀易足矣後乃以易悟所得者易
也陶君固甚知道凡有啓於後學者其或自
此始歟太乙官高士王京外臣易如剛告予
以茅山蔡真誥欲敘其略昔者沈約遺陶君
書深言先生糠粃流俗超然獨覽名書絳簡
至理精微唯欲下風問道未知厥路若有屬
於誥者矣然陶君銘茅山曲林館迴云祈生

謝命各謂知道參差經術跌宕辭藻是數語
者全為誥設此翁一銘猶足為山中無窮清
風況書乎嘉定十六年十一月冬至日朝啟
大夫行秘書郎高以孫敘